

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), na prijedlog Ministarstva zdravstva, Vlada Zeničko-dobojskog kantona, na 4. sjednici, održanoj dana 07.05.2019. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti – za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19) na poziciji „Kapitalni transferi drugim nivoima vlasti - za zdravstvo“ u iznosu od 1.400.000,00 KM (slovima: jedan milion i četiri stotine hiljada konvertibilnih maraka) i čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj Zaključak u skladu sa zakonom i podzakonskim aktima, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/19
Datum, 07.05.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

PROGRAM
UTROŠKA SREDSTAVA PLANIRANIH
U BUDŽETU ZENIČKO-DOBOJSKOG KANTONA ZA 2019. GODINU
NA POZICIJI
“KAPITALNI TRANSFERI DRUGIM NIVOIMA VLASTI- ZA ZDRAVSTVO”

Zenica, april 2019. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija “Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 45. stav (1) Zakona o izvršavanju Budžeta Zeničko-dobojskog kantona za 2019. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

2. Naziv programa

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2019. godinu na poziciji „Kapitalni transferi drugim nivoima vlasti – za zdravstvo“.

3. Ciljevi programa

Pored činjenice da su navedena ulaganja zakonska obaveza osnivača zdravstvene ustanove, planiranjem sredstava za namjene utvrđene Programom doprinosi se:

- poboljšanju kvaliteta zdravstvene zaštite,
- smanjenju listi čekanja pacijenata,
- povećanju zadovoljstva korisnika zdravstvenih usluga,
- smanjenju odliva sredstava u druge kantone za pružene zdravstvene usluge u drugim zdravstvenim ustanovama i dr.

4. Izvori sredstava

U Budžetu Zeničko-dobojskog kantona za 2019. godinu na razdjelu 21, budžetska organizacija 01, potrošačka jedinica 0001-Ministarstvo zdravstva, ekonomski kod 615100, pozicija „Kapitalni transferi drugim nivoima vlasti- za zdravstvo“ planirana su sredstva u iznosu 1.400.000,00 KM, a realizovat će se donošenjem programa utroška sredstava i odgovarajućih akata (odluka) o odobravanju sredstava od starne Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima

odobrenim posebnom odlukom Vlade Kantona.

5. Korisnici programa

Ministarstvo zdravstva je, prije izrade Programa, zahtijevalo od svih javnih zdravstvenih ustanova iskazivanje njihovih potreba za neophodnim nabavkama koje imaju kapitalni karakter. Ukupan iznos svih zahtjeva je iznosio 6.070.166,07 KM, što je znatno više od sredstava planiranih Budžetom Zeničko-dobojskog kantona za 2019. godinu.

Imajući u vidu navedeno, kao i obaveze osnivača zdravstvenih ustanova, te strukturu i dinamiku kapitalnih ulaganja u prethodnim godinama, potrošnja planiranih sredstava za kapitalne transfere za zdravstvo u 2019. godini podijeljena je u tri cjeline:

- Kapitalni transferi za JU Kantonalna bolnica Zenica u iznosu 1.100.000,00 KM,
- Kapitalni transfer za rješavanje problema zagrijavanja objekta Zavoda za medicinu rada i sportsku medicinu Zeničko-dobojskog kantona i Anexa A i B koji koristi JU Kantonalna bolnica Zenica u iznosu 100.000,00 KM i
- Kapitalni transferi ostalim javnim zdravstvenih ustanova u iznosu od 200.000,00 KM.

II PROGRAMI

1. Kapitalni transferi za JU Kantonalna bolnica Zenica - planirani iznos 1.100.000,00 KM

Vlada Zeničko-dobojskog kantona već nekoliko godina u Budžetu Zeničko-dobojskog kantona planira sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine.

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i radnika prilikom izvođenja određenih zahvata, povećanju broja usluga koje se pružaju pacijentima. Izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za kapitalne transfere za JU Kantonalna bolnica Zenica iznose 1.100.000,00 KM ili 78,6 % ukupno planiranih sredstava.

U strukturi planiranih ulaganja iznos od 957.000,00 KM odnosi se na nabavku medicinske opreme, na građevinsko-zanatske radove odnosi se iznos od 56.751,00 KM i nabavku rezervnih dijelova u slučaju kvarova iznos od 59.807,00 KM:

Redni broj	Vsta ulaganja	Planirana sredstva po Programu utroška
1.	Realizacija Odluke o odobravanju sredstava za nabavku opreme za potrebe Odjela za mikrobiologiju (za zamrzivače do -80°), broj:02-14-17671/18 od 30.11.2018. godine	17.199,00 KM

2.	Realizacija Odluke o odobravanju sredstava za nabavku opreme za potrebe Odjela za mikrobiologiju (za zamrzivače do -30°), broj:02-14-17671/18 od 30.11.2018. godine	9.243,00 KM
3.	Nabavka medicinske opreme	957.000,00 KM
4.	Nabavka rezervnih dijelova	59.807,00 KM
5.	Građevinsko-zanatski radovi	56.751,00 KM
	UKUPNO	1.100.000,00 KM

U Program utroška sredstava za 2019. godinu uvrštene su dvije odluke Vlade Kantona koje su donesene u 2018. godini, ali zbog dužine trajanja postupaka javnih nabavki će biti realizovane u 2019. godini (u tabelarnom pregledu navedene su pod rednim brojem 1. i 2.).

Kriterij za dodjelu sredstava

Na prijedlog Ministarstva zdravstva, a na osnovu zahtjeva JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

JU Kantonalna bolnica Zenica provodi postupak nabavke u skladu sa Zakonom o javnim nabavkama („Službeni glasnik Bosne i Hercegovine”, broj: 39/14).

Sredstva odobrena posebnom odlukom Vlade Zeničko-dobojskog kantona transferisat će se na račun JU Kantonalna bolnica Zenica broj:134-010-00000138-94 otvoren kod ASA banke, na osnovu zaključenog ugovora o nabavci i ispostavljenj fakturi dobavljača

Eventualne uštede ugovorenih u odnosu na odlukom odobrena sredstava bit će preusmjerene na nove nabavke u cilju što većeg stepena izvršenja budžeta.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču prema uslovima iz zaključenog ugovora o nabavci.

2. Kapitalni transfer za rješavanje problema zagrijavanja objekta Zavoda za medicinu rada i sportsku medicinu Zeničko-dobojskog kantona i Aneksa A i B koji koristi JU Kantonalna bolnica Zenica – planirani iznos 100.000,00 KM

U prethodnom periodu uslugu zagrijavanja objekta koje koristi Zavod za medicinu rada i sportsku medicinu Zeničko-dobojskog kantona i JU Kantonalna bolnica Zenica (Anex A i B Stacionara) pružalo je preduzeće Arcelor Mittal.

U sezoni grijanja 2019/2020 godina navedeni objekti se neće moći zagrijavati na način kako je to bilo u prethodnom periodu, o čemu je Arcelor Mittal obavijestio korisnike prostora.

Zavod za medicinu rada i sportsku medicinu i Kantonalna bolnica Zenica su zajednički pristupili iznalaženju optimalnog rješenja za obje zdravstvene ustanove. Nakon pripremnih radnji i definisanja tenderske dokumentacije bit će proveden postupak javne nabavke usluga zagrijavanja navednih prostora.

U Budžetu Zeničko-dobojskog kantona za 2019. godinu planirana su sredstva u iznosu od 100.000,00 KM kao početna sredstva za pripremnje radnje koje je neophodno izvršiti u prostorima Zavoda za medicinu rada i sportsku medicinu i JU Kantonalna bolnica Zenica, o čemu će Vlada Kantona donijeti posebnu odluku.

3. Kapitalni transferi ostalim javnim zdravstvenim ustanovama - planirani iznos 200.000,00 KM

Budžetom Zeničko-dobojskog kantona za 2019. godinu planirana su sredstva u iznosu od 200.000,00 KM za kapitalne transfere ostalim javnim zdravstvenim ustanovama, kojima su osnivači općine. Planirana sredstva za navedene zdravstvene ustanove čine 14,3% ukupno planiranih sredstava za kapitalne transfere za zdravstvo.

U tabelarnom pregledu prikazani su iznosi planiranih sredstava po pojedinačnim zdravstvenim ustanovama, a namjena će biti utvrđena odlukama Vlade Kantona:

Redni broj	Zdravstvena ustanova	Planirana sredstava po Programu utroška
1.	JU Dom zdravlja Zenica	50.000,00 KM
2.	JU Dom zdravlja Zavidovići	50.000,00 KM
3.	JU Dom zdravlja Žepče	30.000,00 KM
4.	JU Dom zdravlja Visoko	20.000,00 KM
5.	JU Dom zdravlja Kakanj	20.000,00 KM
6.	JU Dom zdravlja Olovo	20.000,00 KM
7.	JU Dom zdravlja Usora	10.000,00 KM
	UKUPNO	200.000,00 KM

Kriterij za dodjelu sredstava

Na prijedlog Ministarstva zdravstva, a na osnovu zahtjeva zdravstvenih ustanova Vlada Kantona donosi odluke o odobrenju sredstava u skladu procentom ostvarenja prihoda u Budžetu Zeničko-dobojskog kantona.

Zdravstvene ustanove provode postupak javne nabavke u skladu sa Zakonom o javnim nabavkama („Službeni glasnik Bosne i Hercegovine”, broj: 39/14).

Sredstva odobrena odlukama Vlade Kantona transferisat će se na račune zdravstvenih ustanova na osnovu zaključenog ugovora o javnoj nabavci i ispostavljenom fakturi dobavljača.

Zdravstvene ustanove su obavezne Ministarstvu zdravstva dostaviti dokaze o izmirenju obaveza dobavljaču.

Broj: 02-_____/19
Datum, 07.05.2019. godine
Z e n i c a

PREMIJER

Mirza Ganić